

33  
2

EPISTOLA  
DE  
MOLIS INTESTINORUM  
AD  
ILLUSTREM & MAGNIFICUM DOMINUM,  
DOMINUM  
JOANNEM GODOFREDUM  
de HAHN,  
CONSILIARIUM POTENTISS. BORUSS. REGIS  
AULICUM,

ACAD. IMPER. LEOPOLD. CAROL. NATUR. CURIOSOR. SOCIUM,  
PHILOSOPH. & MEDICINÆ DOCTOREM, atque COLLEGII  
MEDICI APUD VRATISLAVIENSES DECANUM

CONSCRIPTA

à

D. JOANNE GOTTLIEB BAUER,  
CONSILIAR. REI METALL. POTENTISS. POLONIAR. REGIS &  
ELECTOR. SAXONIÆ.

---

DRESDÆ 1747.

APUD GEORGIUM CONRADUM WALTHERUM.  
REGIS AULÆ BIBLIOPOLAM.

22  
GK

EPISTOLA

D E

MOLLI INTES TINORUM

A D

ILLUSTREM & MAGNIFICUM DOMINUM

D O M I N U M

JOANNEM GODOFREDUM

56 H A N N

CONSILIARIUM POTENTISS. BORUSS. REGIS

AULICUM,

ACAD. IMPER. LEOPOLD. CAROL. NATUR. CURIOSOR. SOCIUM

PHILOSOPH. & MEDICINAE DOCTOREM, ACADEM. COLLEGI

MEDICI APUD VRATISLAVIENSIS DECANUM


CONSCRIPTA

3

D. JOANNE GOTTLIEB BÄLLER,

CONSILII. REI. MILIT. POTENTISS. POLONIAE. REGIS &

EL. ELECTOR. SAXONIAE.



DRESDAE 1747.

APUD GEORGIIUM CONRADUM WÄTHERUM

LIBRARIUM AULICUM NICHOLAEANUM



M  
qui in  
Morbo  
lit, o  
cia, ac  
jure L  
solum  
tate fru



## VIRO ILLUSTRIS

MEDICO ERUDITIONE ac MERITIS  
CELEBERRIMO

S. P. D.

*D. JOANNES GOTTLIEB BAUER.*

**Q**uam Lucis & Emolumentis fidæ Clarissimorum Virorum Observationes in indagandis & medendis fonticis periculosissimisque Morbis Arti Salutari attulerint, sciunt omnes. Vixerunt quilibet Ætate Medici Fama ac Eruditione celebres, qui indefesso in Hominum communes Utilitates Labore omnes Morbos sollicitè scrutati sunt, &, si peculiare quid ipsis se obtulit, omni fide ac Diligentia, nec minori Eruditione & Perspicacia, ad Posterum transferri curarunt. Inter quos primum optimo jure Locum tenes, VIR ILLUSTRIS, cum non Cives Tui solum summa in medendo Dexteritate Tua singulari sane Felicitate fruuntur, sed Exteri quoque TE de Morbo epidemice grassante

fante & de Variolarum Antiquitatibus aliisque Rem literariam illustrantibus prolixè ac erudite differentem admirentur. Merita Tua in Rem publicam & literariam tanta sunt, ut non jamdudum modo TE Socium dignissimum eruditissimæ Societates susceperint, sed etiam potentissimus Borussorum Rex optime eorum memor ad altiores Honorum Gradus evehi iusserit. In Laudes Tuas excurrere nec Vires meæ sufficerent, nec propositi mei ratio est. Id tantum modo publice grata mente profiteri me oportet, quod TIBI Tuoque pie defuncto *Parenti Optimo*, olim apud Suidnicenses Medico Eruditione, Meritis ac Fama insigni, cujus Memoriam adhuc veneror, quamplurima, quæ mihi medicam Artem exercenti Usui esse possunt, debeam. Nec diffiteor, multos exhis, Magni Boerhaviæ Doctrina antea instructum me habuisse Fructus, ita ut ad Ægrotantium Salutem non sine maxima Animi Delectatione jucunde ea applicuerim, gravissimosque Morbos debellaverim, inter quos Casus quidam rarissimus, quem in Viro quadraginta octo Annos nato observare Occasio dedit, non immerito recenseri mihi videtur. Animo, utrum ardua Tua copiosissimaque, VIR ILLUSTRIS, Negotia, dum TECUM hunc communicare mecum constitueram, eo interrumpam, aliquantisper hæsitavi; fretus tamen & confisus Tua in me Benevolentia, nullus dubito, quin æqua bonaque Mente interpreteris. Præmittenda vero quædam non supervacaneum duxi, antequam ipsum Morbi Statum Ordine referam.

Æger summe ad Iram pronus Sanguineque abundans Vitæ generi se addixit, quo Labore duro multisque Ærumnis, ut Injuriam Aëris Molestiasque in Itinere, quod multoties suscipere Officii sui ratio exposcebat, perpessus taceam, se subducere coactus

Etus fuit, quæ tamen Sanitati ejus nullam inusserunt Maculam, Ideoque optima Valetudine longos sat Annos est fruitus. Quinque circiter & quod excurrit ante Annos Morbo quodam, a Medicis tum non bene perspecto, corripitur, qui omnes Ægrotantis Vires consumebat, ita ut Spe Vitæ omni frustratus ac Morti proximus videretur. Copiosissime tandem cum Impetu excretum per Urethram pus, prægressusque circa Lumbos summus Ardor & Dolor abunde demonstrarunt, fuisse Inflammationem & Exulcerationem Renum; ex quo Morbo felicissimo Eventu eluctatus est. Hunc vero antecessit non multo ante alia Corporis Valetudo adversa, Dolor nempe articularis, qui levioribus modo ab initio Accessibus Corpus affligebat, lento tamen gradu ita augebatur Malum, ut vehementissimos Cruciatu, per Septimanas hoc detentus, salvis interim semper superato Morbo manentibus Membris, perpeffus fuerit. Neque minorem creabat acerbissimus interdum Capitis Dolor Molestiam, qui ex Anno omnibus fere Diebus magis magisque ingravescens Ægrotantis Vires debilitabat, nec cessabat prius, quam omnia Ore assumpta, Alvo semper dura & plerumque ad plures Dies obstructa, Vomitu rejecerit. Hac Corporis & Morbi Conditione jussus Iter suscipit, & alia in Regione per quinque fere Menses commoratus multam in Noctem quotidie protracto Labore omnibus pene Viribus destituitur, Abitumque parans vicesima sexta Decembris Die Anni proxime præterlapsi sic redux factus est. Administrata equidem debellando hoc Malo multa ab ejusdem loci Medico Remedia sunt, irrita autem fuerunt omnia,

Arcessitus itaque Die vicesima nona Decembris in Consilium vocor, Ægrumque adiens in Morbum ejusque Causas sollicitè in-

quiro, tum Sedem suam in infimi Ventris Visceribus habere & hæere Malum dijudico. Conquerebatur enim Æger de Sensu quodam in Abdomine molesto, Hypochondria, Lumbos in Consensum abripiente & ad Umbilici Regionem usque se extendente, de Oris Amaritudine, Dejectione Appetitus Cibi, Alvo ad plures Dies obstructa semperque dura, Pulsu insuper pleno & forti, Somnoque prorsus nullo. Hac Die Salia media exhibentur, Clysteres applicari injunguntur.

II. Altero Die, manente Morbi Symptomatumque Conditione eadem, Sanguis de pede ad Uncias XIV. extrahitur, & nitrosa Salibus mediis mixta in Usus vocantur.

III. Videtur melius paululum se habere Æger, & dum Enemata respuit, Animam Rhabarbari c. Liq. Terr. fol. Tart. combinatam assumere jubeo.

IV. V. Quæ tamen Alvum movere non valebat, nec Oris Amaritudinem demere, cæteraque prius enarrata Symptomata mitigare non poterat. Rursus itaque Clysteres injunguntur, & digestiva sic dicta Remedia continuantur.

VI. Sexta Die Morbi patitur tandem primo Vespere applicari Enema ex Specieb. pro Clystere emollientibus Æger, quo applicato statim sat acerbum circa Umbilici Regionem persentiscit Dolorem, a mimis calida pessimo ubivis fere consueto more Applicatione excitatum, quem Oleo Amygd. dulc. c. Anim. Rhabarb. commixto interne assumendo lenire conabar. Nulla subsequetur hunc Clysmum Excretio alvina; ante hujus Injectionem iusseram jamjam crastina luce hauriendum Emeticum ex Granis tribus  
Tartari

(VII)

Tartari emet. & Arcan. duplic. uno Scrupulo, ut Oris Amarities auferatur, Bilisque in Ventriculo primisque Viis hærens evacuetur; addito tamen deinde hoc Monito, ne prius assumatur, antequam omnis Dolor cessaverit.

Nihil ista morans, neque de hoc ulterius non consulens, licet Nox ob Dolorem in Abdomine infomnis fuerit, avide id gulæ demandat Æger, Spe fretus, Vim Morbi hoc infringere citiusque pristinae Sanitati se restitutum videre. Evomit itaque ingenti Copia Bilem acrem, obscure viridem octo Libris Aquæ Saccharo edulcoratæ tepidæ adjutam, & Alvus bis se exonerat, quo Levamen quoddam persentit; Dolor autem & Sitis ingens urgent, quam aliquot post Vomitus horas Aqua moderate frigida sensimque ad Libras octo epota sedare tentat, Vomitionibus autem quibusdam successive se excipientibus eam, Gelatinæ instar sat spissæ, denuo rejicit, Siti tamen non extincta, iterumque frigidam ad Libras tres bibens Vomitu spissam reddit. Ad hæc Sitis & Vomitiones remittunt, assumtaque Carnium Juscula retinet stomachus.

Totam fere Noctem infomnem duxit, & mane Doloribus circa Hypochondria, Umbilici Regionem, Renes ac Lumbos correptus parcam cum Carunculis Sedimentoque viscoso excernit Urinam. Pulsus fortis & frequens. Exhibentur pulveres nitrosi c. Saccharo Lactis & Potio ex Oleo Amygd. dulc. recentissimo Vitello Ovi subacto ac Syrupo Althææ mixto, & repetitis vicibus ex Spec. pro Clysm. emoll. c. Oleo Lini tepide injiciuntur Enemata; Balneum quoque ex Sapone Veneto & furfure triticeo paratum aliquoties hac Die in Auxiliū vocatur; hæc tamen omnia leniendo Dolori non sufficiebant, Hora demum vespertina decima delabitur in Somnum

(VIII)

Somnum cum Stertore profundum, Spuma ante Os, flacciditate omnium Membrorum, captus ac sepultus quasi, omnique Motu & Sensu expers, ex quo Spiritibus Naribus admotis faucibusque instillatis, irritato tamen successu, excitare eum tentant adstantes. Paulo post vehementissimis Motibus convulsivis corripiebatur, hisque cessantibus pallidus sine Pulsu & Respiratione demortui instar jacebat. Perfusione dein ac Lavatione cum frigida ad Cervicem inprimis sæpius repetita Pulsus & Vita redit, cum statim in Brachio Vena secatur, Sanguisque ad Uncias duodecim extrahitur. Dormire interea stertens pergit, nullumque Sensus Signum exhibet. Allaboramus eum excitare Remediis stimulantibus, applicatis ad plantas pedum epispasticis injectoque Clystere, mox infusa faucibus Aqua, mox Vino generoso, ut Organa Inspirationis & Deglutitionis his vellicentur ad Tussimque stimulentur, quo eo citius Vitæ Vis redeat; quod tandem hoc per quinque Horas protracto Labore obtinetur, & Æger Sensus Mentisque compos circa tertiam matutinam evigilat.

IX. Hac tota Die, non adeo Viribus exhaustus, excrucietur Dolo-  
lore circa Umbilicum, Renes ac Lumbos acuto, Urina pauca cum  
Carunculis Arenulisque Sedimento levioris puris instar immergis  
secedit. Pulsus febrilis, Alvus adstricta, quam Anima Rhabarb.  
Oleo Amygd. dulc. commixta ac injecto Clystere supra descripto  
referare conamur, sed frustra. Adhibentur simul pulveres ex  
Saccharo Lactis & Nitro. Tum post Meridiem Alyo excernitur  
Sanguis sincerus, quem hæmorrhoidalem Fluxum prælagire judica-  
bam, atque hæc ratione commotus addebam pulveri Tartarum vi-  
triolatum, hunc Noctu exhibitum una elapsa hora Sanguis purus  
per Alvum copiose fluens cum rejecto Concremento fibroso, car-  
tilagi-



(IX)

tilagineo, Coni formam referente, quod cum Vasis suis Intestinis  
cohæferat, subsequitur, fecibus tantum modo alvinis paucissimis,  
Nec cessat Dolor. Applicantur Clysteres ex Oleo Lini & Lacte  
vaccino; interne Juscula Carnium non salita cum Oleo Amygd.  
dulg. & Lac tripla Aquæ fontanæ parte mixtum pro potu tepi-  
dum eliguntur.

Magna, multa, pollicem crassa, oblonga, Cruore in ea, qua X.  
cum Vasculis suis innumeris Intestinis adnata fuerant, parte cir-  
cumfusa, multaque Sanguinis sinceri Jactura & Dolore acutissimo  
concomitata, excernuntur hac Die per Alvum Concreta fibrosa,  
quædam pro parte Pinguedine rara obducta, membranacea, Mola-  
rum ex Utero muliebri rejectarum Formam accurate sistentia, quæ  
Nomine MOLARUM INTESTINORUM insignire hanc  
ob Causam commotus mihi licet. Noctes fuerunt hæctenus in-  
somnes, Pulsus plenus, frequens. Eadem Enemata bis vel ter de  
Die ut injiciantur, eademque Remedia ac Potus genus repetan-  
tur curo.

Rejiciuntur iterum Alvo non sine summo Dolore multa Con- XI.  
creta membranacea, fibrosa, cartilaginea copioso Sanguine sincero  
effuso. Pallet Facies & tumet, Urina adhuc Carunculis quibus-  
dam & pure levi scatens emittitur, Alvusque fecibus se exonerat,  
Pulsus celer & fortis Siti socia denotat Febrim. Enemata conti-  
nuantur, nec in medendo quid mutatur.

Novæ rursus MOLÆ multo Cruore obductæ semper cum XII.  
Sanguinis sinceri Effusione & acutissimo circa Lumbos, Umbili-  
cum, atque Hypochondrium sinistrum Dolore sequuntur. In  
ipso horum Concretorum Enixu & post eum Animus linquit  
B Ægrum,

*Ægrum.* Facies tumida, Pulsus debilis & frequens, Urina autem Carunculis & pure vacua observantur. Hac & antecedente Nocte Vigilæ affligebant ac Inquies. Remediis jamjam nominatis, ut & Clysteribus adduntur Camphora securissimaque Dolorem lenientia Medicamina.

*XIII.* Quibus *Æger* adjutus mane hora secunda tres insigni Magnitudine *MOLAS* Lipothymia ex magno intervallo detentus egerit, Pulsus debilis & frequens, tumente Facie, Siti, acutissimoque Dolore Comitibus. Exhibentur pulveres ex Sacch. Lactis, Nitro, Camphora, & Juscula Carnium, Lac Aquæ & Oleo Amygd. dulc. mixtum tepide assumuntur. Circa Noctem Sanguis putridus & foetens, quantum circiter Cochleare unum caperet, nullum hactenus foetorem spirantibus, nec Putredinis Signum exhibentibus *MOLIS*, ex Intestinis exit. Non amplius in Urina observantur Carunculæ.

*XIV.* Nox iterum insomnis, Pulsus febrilis, Animi Deliquia, tres Alvi Dejectiones fecibus subflavis, Anxietates summæ, Dolores vagi arthritici affligunt volutantem *Ægrum*. Eadem Medicamina in Usam trahuntur.

*XV.* His frequentiores Lipothymia decimo quinto Morbi Die se jungunt, Alvo tamen soluta, semper cum Dolore & quodam Ardoris Sensu sese exonerante. Primo Vespere omnia exacerbantur Symptomata, Pulsus celerior, Anxietates inexplicabiles summæ, & Dolores magis magisque occupant Membra. Duo injiciuntur ex Lacte, Oleo Lini & Camphora Clysteres, nullum Levamen afferentes; Jusculis Carnium cum Oleo Amygd. dulc. Potus genere jam nominato ac pulveribus nitros. camphoratis utitur *Æger*.

Jecti-

Jectigationes, Lipothymia frequentes, Doloresque Noctem XVI.  
Somno privant. Pulsus matutinis horis debilis & frequens.  
Urina redditur citrini Coloris cum Sedimento mucido. Pulv.  
nitr. camphor. c. Sacch. Lactis omni Trihorio interposita Potione  
oleosa ex Oleo Amygd. dulc. Lac quoque Aqua dilutum ac Car-  
nium juscula continuantur. Vesperi ex Lacte, Oleo Lini cam-  
phorato applicatur Clyster, qui statim sine Effectu secedit. Mi-  
tiora paululum hoc Vesperi videntur Symptomata.

Quæ summa Nocte iterum in deterius mutantur. Dolores XVII.  
Abdominis tota Die antecedente Nocteque subsequente continui  
Noctem insomnem & inquietam reddiderunt. Alvus deturbat  
equidem feces naturales, maximo tamen cum Dolor, qui vagus  
mox Scapulas, mox Hypochondria atque Abdominis Regionem  
infestat, quem Clystere sub Vesperam bis injecto, Remediisque al-  
legatis ac sæpius in Auxilium vocatis, additis cauta Manu anody-  
nis lenire annitimur. Pulsus observatur febrilis & Sudor modera-  
tus, sine Siti tamen ac Æstu magno.

Nec hac Nocte ulla, Dolor Abdominis impedita, impetrari XVIII.  
potuit Quies. Demittit Alvus Coagulum Lactis albissimum, ex  
applicato heri Clysmate exortum, ac Membranis quibusdam re-  
centibus, subcruentis, Vasculis fanguineis quamplurimis passim  
interspersis notatis obvolutum, & una ac altera demum elapsa ho-  
ra feces naturales, sine Doloris Remissione. Pulsus hodie magis  
febrilis, celerior. Urina redditur citrini Coloris, non turbida.  
Duo ex solo Lini Oleo Clysteres applicantur, primus statim effluit,  
alter paucas Alvi feces expellit, eadem tamen manente Doloris Ve-  
hementia. Remedia ut supra.

Quæ Ægrum allevarunt equidem hac nocte paululum, matu- XIX.  
tino tamen tempore iterum acerbissimi acutissimique affligunt Do-

lores, mox circa Hypochondria & Os sacrum, mox circa Umbilicum & Ilia sævientes, quos Potione oleosa, Oleo Amygd. dulc. Jusculis Carnium commixto, Clysmate ex Decocto Seminis Lini Oleo ejus associato, & pulv. ex Sacch. Lact. Nitro, ac Medicina anodyna mitigare studemus. Horis elapsis duabus Sanguis sincerus Clysmate socio rejicitur per Alvum, perdurante adhuc Dolo-  
 re. Hinc Pulsus durior, celerior, majorque posthac Virium Prostratio ac Debilitas, nullis tamen subsequenter Lipothymiis. Lotium limpidum citrini Coloris. Hora vespertina sexta eodem Clystere utimur, quo paulo post frustum Concreti carnosissimi, vasculosi, magnum & crassum, multo Cruore ea in parte, qua Intestinis adhæserat, refertum expellitur. Dolor abhinc paululum remissior, maxime nunc sub Hypochondrio sinistro se exerens. Medicamina eadem & leve ex Semine Lini Decoctum Oleo Amygd. dulc. combinatum pro Potu hac Nocte propinantur.

- XX. Heri hora nona vespertina iterum nova Concreta carnosissima, semi cartilaginea, Sanguine grumoso plena, copiose per Alvum deturbantur, ex quo acutissimus equidem Dolor circa Umbilicum remittit, Nocte interea infomni, inquietaque, Anxietatibus summis stipata, transacta. Urina mane redditur cum Enæoremate magno viscido. Hac Die Æger Somnum per intervalla ad Horæ quadrantem capit, Anxietates tamen vexant. Pulsus debilis, interdum durus, frequens. Clysteres ex Decocto Semin. Lini ejusque Oleo mane & vesperi applicati, sine Excrementis, Concretis ac Sanguine fuerunt excreti. Inquietudo & Anxietates Noctem versus urgent, Pedum Manuumque Extremitates frigidæ interdum observantur, ut & Dolor ac Ardor in Abdomine enormis. Remediorum Usus idem.

Sub

(XIII)

Sub finem Noctis tranquillior paulo Æger; Pulsus mane *XXI.*  
liberior ac remissior; Urina citrini Coloris; vexatur Doloribus  
arthriticis. Cæterum hac Die, anxius licet interdum & inquietus,  
melius se habet. Alvus ter cum insigni fœtore feces, fluidas  
autem, expellit. Noctem versus inquietus, Viribus & Animo de-  
jectus, novos a nimia Abdominis Extensione productos & ali-  
quot Horarum Spatio continuos experitur Dolores.

Qui Noctem non adeo quietam reddiderunt, Somnumque *XXII.*  
interruperunt. Pulsus febrilis, frequens, quodammodo durus,  
Urgent circa Umbilicum, Inguina & Os sacrum Dolores. A me-  
ridie applicatur Clysma, quod statim sine Fecibus alvinis reddi-  
tur; post Horam frustum Concreti carnosæ & fibrosæ per Alvum  
sine Sanguinis copiosi Effusione secedit. Quievit de Die per In-  
tervalla Æger; usus est iisdem Remediis, eodemque Potus ge-  
nere.

Hac Nocte & infecuto Die magna, crassa, fibrosa & carnosæ *XXIII.*  
Concreta Grumis Sanguinis; quam maximis infarta, sine fecum  
alvinarum Excretionem, expelluntur; unde Æger summe debilita-  
tus, dormivit tamen paululum. Adhibentur una eademque Me-  
dicamina.

Insignis per totum Corporis Ambitum Æstus Noctem hanc *XXIV.*  
Somno orbavit, ita ut Æger in Balneo frigido sedere & frigidam  
potare anxie exoptaret. Pulsus observatur durus, frequens, a Me-  
ridie vero remissior; versus Noctem iterum celer, durus, Sympto-  
matibus tamen levioribus. Alvus bis solvitur fecibus fluidis.

Multum hac Nocte, licet infomni, sudavit, omniaque Sym- *XXV.*  
ptomata, paulo ante gravissima, præter Virium Prostrationem  
summam, mitiora esse videntur. Pulsus non adeo durus, nec ce-

- ler, ut & Æstus remissior. Alvus libera fecibus fluidis. Dolor in Abdomine quovis Motu levissimo licet acerbus & dirus. Urina pallida, aquosa. Clyfma ex Decocto Seminis Lini ejusque Oleo horis matutinis injectum fuit. Repetuntur eadem Remedia; Potus Aquæ frigidæ & Juscula propinantur.
- XXVI. Dimidiam fere Noctem dormivit. Alvum mane bis deponit, feces naturales liquidæ. Pulsus æqualis, Æstus remissior. De reliquo fat bene se habet; post Meridiem iterum excernit Alvum. Potus Aquæ & Medicamina, ut supra, exhibentur.
- XXVII. Et hæc Nox tranquilla satis fuit & Pulsus æqualis. Alvus bis cum Dolore per Intestina lancinante & acuto exoneratur. Cæterum omnia Symptomata benignioris Indolis videntur. Injectum a Meridie Enema rursus Excrementa liquida cum Dolore per Intestina propellit.
- XXVIII. Phlogoses, quibus acuti & lancinantes per Intestina Dolores in & post Alvi bis hodie apertæ exonerationem præprimis exacerbati se jungunt, Noctem turbarunt, Pulsu observato febrili. Paululum Vini Rhenani conceditur, in Usu adhuc vocatis Remediis cum Diæta pristinis.
- XXIX. Ex aliqua parte Noctem quiete consumsit. Pulsus æqualis & mollis, ac Lotium citrini Coloris observatur. Alvus equidem deturbat sine acuto adeo & lancinante Dolore feces, cum aliquali tamen per totum Intestinorum Tractum Ardore. Appetit jam Cibos & bibit haustum Vini hungarici. Clyfma post Meridiem injicitur.
- XXX. Æger hac Nocte bene dormivit. Ideoque Morbi Indoles quotidie benignior, & Symptomata leviora deprehenduntur. Alvus sine notabili Ardore paululum durior, Pulsus & Appetitus Cibi bonus, Urina citrini Coloris cum Enæoremate.
- Artuum

Artuum Dolores interturbarunt Somnum, subsecuto autem XXXI.  
Sudore cessarunt. Non laborat Æger Difficultate Intestinorum,  
nec affligitur Cruciatibus & Ardore eorum. Utitur Cibis eupeptis  
& Potu Vini hungarici; assumit ter vel quater de Die Oleum  
Amygd. dulc. cum Jusculis Carnium.

A tricesimo secundo Morbi Die ad quadragesimum septimum XXXII  
usque varia perpeffus est Incommoda & Molestias non nullas, ut  
Flatus, Borborygmos, Inflationem præprimis Hypochondrii sinistri XLVII.  
dolentem, quas ex parte a nimia Cibi Appetentia sibi contraxerat,  
sustinuit; ex parte autem Dolore Artuum fere continuo, qui No-  
ctes plerasque infomnes reddidit, ac Oedemate Faciem, pedes &  
femora obsidente vexatus est. Inter hæc etiam annotari meretur  
Sensus iste quolibet Corporis Motu excitatus in Abdomine pecu-  
liaris, ac si cuncta flaccida penderent Intestina, & Curru vectus  
quovis Rhedæ Concussu novos & fat acerbos Dolores experiri se  
ac Scalas Domicilii sui altas fatis ascendendo anhelose respirare re-  
ferebat. Hanc autem totius Corporis Compagem fibrarum Mor-  
bo, Effusione Sanguinis abundante, assumtis injectisque oleosis &  
aquosis relaxatarum corroborare annitebar frictione cum pannis  
laneis sicca peracta, adhibitisque roborantibus, quibus nunc inte-  
græ Sanitati restitutus Officio suo fungens optime vivit.

In Causas gravissimi hujus Morbi, sæpius de his meditans, in-  
quirere non potui. Hæmorrhoides nunquam fluxerunt, nec Signa  
quædam Fluxui huic propria unquam se manifestarunt. Dysente-  
ria nec aliis Intestinorum Morbus infestavit Ægrum. Sedem au-  
tem horum *Concretorum* principem Intestina crassa fuisse Conje-  
ctura assequi licet, Designabant hanc cum Dolor in istis, quibus  
Situ suo locantur Intestina crassa, locis, tum Coagulum istud La-  
ctis albissimum, ex injecto ante horas aliquot de Lacte & Oleo  
Cly-

Clysmate ortum multisque Membranis recentibus, Vasis sanguineis quamplurimis notatis, obvolutum, ut & Flatus istam Intestini Coli partem sub Hypochondrio sinistro sitam dolenter affligentes; accedit, quod vehemens in exoneranda Alvo eaque post tempus aliquot excreta, Ardor & Molestia perduraverint, Clysmata ex Oleo injecta Expulsionem *Concretorum* acceleraverint, ac Levamen magna ex parte attulerint, quod Ore assumta oleosa & Juscula non prompte adeo effecerunt; tandem evidentissimo Indicio, cum *Mole* istæ semper recentes, nunquam Putredine quadam contaminatæ Sanguineque puro, licet grumoso sæpius, obvoluatæ ac Fluxu Sanguinis sinceri copiosissimo plerumque concomitatæ excreta fuerunt, quæ e contrario, si in Intestinis tenuibus hæsisent, foetorem quendam, ut Putredinis Notam, Sanguinem Grumosque Mora & stagnando factos nigricantes, ut cætera taceam, exhibuissent.

Sunt hæc, quæ TECUM, VIR ILLUSTRIS, de *Molis Intestinarum*, fido Stylo annotata, communicare volui; Veniam autem dabis mihi arduos concatenatosque Tuos in Salutem Ægrotantium susceptos interrumpenti Labores, eoque, quo dudum affici me non dedignatus es, Amore ut prosequaris obnixe rogo. Vale per plures adhuc cum ILLUSTRIS TUA FAMILIA Annos, ut Saluti Hominum, Reique publicæ & literariæ porro consulas.

Dabam Dresdæ

d. 14. Martii MDCCXLVII.





